

## **Rundi - Gukiza Ivyanditswe - Healing Scriptures**

**Matayo 4:23,24 Yesu agendagenda i Galilaya hose, yigisha mu nsenger  
z'Abayuda, ababwira ubutumwa bwiza bw'ubwami, akiza abantu indwara  
n'ubumuga vy'uburyo bwose. 24 Inkuru yiwe ikwira i Siriya hose,  
bamuzanira abarwaye bose bafashwe n'indwara zitandukanye  
n'ibibasesereje, n'abinjiwemwo n'abadayimoni, n'abarwaye intandara,  
n'ibimuga; arabakiza.**

**Matayo 8:16,17 Ku kagoroba, bamuzanira benshi binjiwemwo n'abadayimoni;  
izo mpwemu mbi azirukanisha ijambo, akiza abari barwaye bose, 17 ngo  
ivyavuzwe n'uwavugishwa n'Imana Yesaya biboneke, ngo Ubwiwe ni we  
yatwara ubumuga bwacu, akikorera n'indwara zacu.**

**Matayo 9:35 Yesu agendagenda mu bisagara vyose no mu mihana yose,  
yigisha mu nsenger z'Abayuda, avuga ubutumwa bwiza bw'ubwami, akiza  
indwara zose n'ubumuga bwose.**

**Matayo 10:1 Ahamagara abigishwa biwe icumi na babiri, abaha ububasha ku  
mpwemu zihumanye n'ubwo kuzisenda, no gukiza indwara zose n'ubumuga  
bwose. (Mariko 3:14,15)**

**Matayo 10:8 Mukize abarwaye, muzure abapfuye, mukize abanyamibembe,  
musende abadayimoni. Mubiherewe ubusa, mubitangire ubundi.**

**Matayo 11:5 Impumyi zirahumuka, abacumbagira bagenda neza,  
abanyamibembe barakizwa, ibipfamatwi birumva, abapfuye barazurwa,  
aboro barabwirwa ubutumwa bwiza. (Yesaya 35:5)**

**Matayo 12:15 Yesu abimenye, arahava. Bensi baramukurikira, abakiza bose.**

**Matayo 15:30 Abantu bensi baza kuri we bazanye abacumbagira, ibimuga,  
impumyi, ibiragi, n'abandi bensi, babashira imbere y'ibirenge vyiwe,  
arabakiza.**

**Matayo 17:20 Arabishura ati: "Ni ukwizera kwanyu guke."Ndababwire ukuri;  
namba mufise ukwizera kungana n'akabuto k'igitu, mwobwira kino gisozi  
muti: "Imuka aha, uje harya, kandi cokwimuka. Kandi nta  
kitazobashobokera.**

**Mariko 1:34 Akiza bensi bari barwaye indwara zitandukanye, asenda  
abadayimoni bensi, ntiyakundira abo badayimoni ko bavuga, kuko bari  
bamuzi.**

**Mariko 3:10 Kuko yakijije bensi, ni co catumye abari bafise ivyago bose  
bamuhenkirako, ngo bamukoreko.**

**Mariko 6:5,6 Maze ntiyashobora gukorerayo igitangaza na kimwe, atari  
abarwaye bake yarambitseko ibiganza akabakiza. 6 Atangazwa n'ukutizera**

**kwabo. Agendagenda mu mihana ihakikije, yigisha."**

**Mariko 6:13 Basenda abadayimoni benshi, basiga amavuta abarwaye benshi, barakira.**

**Mariko 6:55,56 Birukanga impande zose muri ico gihugu cose, batangura guterura abarwaye mu nderuzo, babakwiragirana aho bamwumvise hose. 56 Kandi aho yaja, mu mihana, mu bisagara canke mu misozi, bashira abarwaye mu tuguriro, bakamwinginga ngo bamukore naho hoba ku buyonga bw'impuzu yiwe gusa; abamukozeko bose bagakira.**

**Mariko 8:23-25 Afata iyo mpumyi ukuboko, ayikura mu mihana, acira amate mu maso yayo, ayirambikako ibiganza, arayibaza ati: "Hari ico ubona?" 24 Iraramura amaso, iramwishura iti: "Ndabonaabantu kuko mbona ibisa n'ibiti bigendagenda." 25 Yongera kurambika ibiganza ku maso yayo, iritegerezza, irakira, yihweza vyose neza.**

**Mariko 9:29 Arabishura ati: "Bene irya ntikurwamwo n'ikindi atari ugusenga no kwisonzesha."**

**Mariko 16:17,18 Kandi ibimenyetso bizokwama biboneka ku bizera ni ibi: bazosenda abadayimoni mw'izina ryanje; bazovuga indimi nshasha; 18 bazofata inzoka; ni banywa ikintu cica, nta co kizobagira na gatoya; bazorambika ibiganza ku barwaye, bakire."**

**Luka 4:18 ngo Mpwemu w'Uhoraho ari kuri jewe, Ni co catumye andobanuza amavuta kugira ngo mbwire aboro ubutumwa bwiza. Yantumye kumenyesha abarindwa ko barekuwe, N'impumyi ko zihumuka, No kubohora imitima iri mu kazitiro,**

**Luka 4:40 Kandi ku kirengazuba, abari bafise abarwaye bose barwaye indwara zitandukanye barabamuzanira. Abarambikako ibiganza umwumwe, arabakiza.**

**Luka 5:15 Ariko inkuru yiwe irushiriza gukwira, ishengero ryinshi rikoranira kumwumva no gukizwa indwara zabo.**

**Luka 5:17-25 Umusi umwe Yesu ariko arigisha, Abafarisayo n'abigisha ivyagezwe bari bicayeho, bavuye mu mihana yose y'i Galilaya, i Yudaya n'i Yerusalem; kandi ubushobozi bw'lmana bwo gukiza indwara bwari muri we." 18 Maze haza abagabo bazanye ikimuga, bagiteruye mu nderuzo, barondera ingene bacnjiza ngo bagishire imbere yiwe. 19 Babuze aho bocnjiriza ku bwo ishengero, burira hejuru ku nzu, bagicisha mu mategura ayisakaye, bacururutsa mu nderuzo hagati y'abantu imbere ya Yesu. 20 Abonye ukwizera kwabo, aravuga ati: "Ewe muntu, ivyaha vyawe urabihariwe." 21 Abahinga b'ivyanditswe n'Abafarisayo batangura kwiburanya bati: "Uwo ni nde arogose? Ni nde ashobora guharira ivyaha atari Imana yonyene?" 22 Maze Yesu, amenye ivyo biburanya, arababaza ati: "Mwiburanya ibiki mu mitima yanyu?" 23 Icoroshe ni ikihe ni ukuvuga**

**nti: 'Uhariwe ivyaha vyawe;' canke ni ukuvuga nti: ' Vyuka ugende?' 24 Ariko kugira ngo mumenye ko Umwana w'umuntu afise ububasha mw'isi bwo guharira ivyaha-" abwira ico kimuga ati: "Ndakubariye nti Vyuka, wikorere inderuzo yawe, utahe." 25 Aca avyuka imbere yabo, yikorera inderuzo yari aryamyemwo, arataha, ahimbaza Imana.**

**Luka 6:17-19 Amanukana na bo, ahagarara ahateze, kandi hariho ishengero ryinshi ry'abigishwa biwe, n'ishengero ryinshi ry'abantu bavuye i Yudaya hose n'i Yerusalemu no mu gihugu co muri Tiro n'i Sidoni gihereranye n'ikiyaga kinini, baje kumwumva no gukizwa indwara zabo. 18 Kandi n'abababazwa n'impwemu zihumanye barakizwa. 19 Kandi ishengero ryose rigerageza kumukorako, kuko ubushobozi bwamuvamwo bukabakiza bose.**

**Luka 7:21,22 Muri ako kanya akiza bensi indwara n'ivyago n'ibisigo bibi; n'impumyi nyinshi arazihumura. 22 Maze arabishura ati: "Ni mugende, mubarire Yohana ivyo mubonye n'ivyo mwumvise." Impumyi zirahumuka, abacumbagira bagenda neza, abanyamibembe barakizwa, ibipfamatwi birumva, abapfuye barazurwa, aboro barabwirwa ubutumwa bwiza.**

**Luka 8:2 n'abagore bamwe bakijije ibisigo n'indwara, Mariya ari we Magadalene, abadayimoni indwi bari baramuvuyemwo,**

**Luka 9:2 Abatuma kubarira abantu ivyo ubwami bw' Imana, no gukiza abarwaye.**

**Luka 9:11 Maze ishengero ribimenye riramukurikira. Arabakira, ababwira ivyo ubwami bw'Imana, kandi abagomba kuvurwa arabakiza.**

**Luka 13:12 Yesu amubonye aramuhamagara, aramubwira ati: "Nyina wanje, urabohowe ubumuga bwawe."**

**Luka 13:32 Arababarira ati: "Ni mugende mubwire iyo mbwebwe ko nirukana abadayimoni, nkiza abantu uwu musi n'ejo, ku musi ugira gatatu nzotunganywa rwose."**

**Yohana 5:8,14 Yesu aramubwira ati: "Va hasi, ikorere ikirago cawe, ugende." 14 Hanyuma y'ivyo Yesu amubona mu rusengero, aramubwira ati: " "Raba wakize; ntugasubire gukora icaha, kugira ngo ntuzobone ibiruta ivya mbere."**

**Yohana 14:12 Ni ukuri, ni ukuri ndababwire; uwunyizera, ibikorwa jewe nkora na we azobikora, kandi azokora ibibiruta, kuko jewe ngiye kwa Data.**

**Igitabo C' Ivyakozwe N'Intumwa 3:6 Petero aramubarira ati: "Nta feza n'izahabu mfise, ariko ico mfise ndakiguha; mw'izina rya Yesu Kristo Umunyanazareti, va hasi utambuke. "**

**Igitabo C' Ivyakozwe N'Intumwa 5:15,16 bituma banaterurira abarwaye ku nzira, babashira mu nderuzo no ku birago, kugira ngo Petero ni yahaca, naho coba igitutu ciwe gishike kuri bamwe. 16 Hakoranira ishengero rivuye no mu bisagara bihereranye n'i Yerusalemu, bazana abarwaye**

**n'abababazwa n'impwemu zihumanye, bakizwa uko bangana.**

**Igitabo C' Ivyakozwe N'Intumwa 10:38 rivuga ivya Yesu Umunyanazareti, ingene Imana yamusutseko Mpwemu Yera n'ubushobozi, akagenda agirira abantu neza, agakiza abo bose wa mugarariji atwaza amanyama, kuko Imana yari kumwe na we. "**

**Igitabo C' Ivyakozwe N'Intumwa 19:11,12 Kandi Imana ikoresha amaboko ya Pahulo ibitangaza vy' agaheta. 12 Vyatuma bashira abarwaye ibitambara n'ivyambazo bivuye ku mubiri wiwe, bagakira indwara zabo, ibisigo bikabavamwo.**

**AbaRoma 8:26 Ni ko na Mpwemu adufasha mu ntege nke zacu; kuko tutazi uko dukwiye gusenga, ariko Mpwemu ubwiwe aradusengera, aniha iminiho itovugwa;**

**1 Ab'i Korinto Rya Mbere 12:9 Uwundi agaheshwa n'uwo Mpwemu ukwizera, uwundi agaheshwa n'uwo Mpwemu umwe ingabire zo gukiza indwara.**

**1 Ab'i Korinto Rya Mbere 12:28 Kandi Imana yabanje gushira mw'ishengero bamwe baba intumwa, hanyuma aba kabiri ibashiraho kuba abavugishwa na yo, maze aba gatatu, ibashiraho kuba abigisha, yongera ishiraho abakora ibitangaza, maze ishiraho abahawe ingabire zo gukiza indwara, n'abahawe gufasha abandi, n'abahawe kurongora n'abahawe kuvuga indimi nyinshi.**

**Ab'i Filipi 2:27 Kandi koko yari yararwaye ahakwa guhwera. Ariko Imana imugirira imbabazi, kandi si we wenyene, ni jewe yazigiriye, kugira ngo umubabaro wanje ntiwongerekane.**

**Yakobo 5:14 muri mwebwe namba hariho uwurwaye, ni atumeko abashingantahe b'ishengero, baze kumusengera, bamusige amavuta ya elayo mw'izina ry'Umwami wacu.**

**1 Petero Rya Mbere 2:24 Ubwiwe yikoreye ivyaha vyacu mu mubiri wiwe, abambwe ku giti, kugira ngo dupfuye ku vyaha tubebo ku kugororoka; inguma ziwe ni zo zabakijije. (Yesaya 53:5)**

**3 Yohana Rya Gatatu 1:2 Mukundwa, ndagusengera ngo umererwe neza muri vyose, uhore uhangamye, nk'uko ubugingo bwawe bumerewe neza.**

**Exodus 15:26; Gusubira Mu Vyagezwe 7:15 not get diseases of Egypt.**

**Yesaya 58:8 God heal speedy.**

**Yeremiya 30:17; Yeremiya 33:6 God heals**